

GWNEWCH EICH DIGWYDDIAD YN UN COFIADWY

Wrth i'ch cynlluniau ddechrau ar gyfer ymuno â dathliadau 80 mlynedd ers Diwrnod VE, mae digon o ffyrdd i wneud eich digwyddiad yn fwy cofiadwy gydag ychydig o bethau ychwanegol. Trowch ddigwyddiad syml yn ddigwyddiad mwy ystyrlon gydag addurniadau thematig, bwyd, cerddoriaeth, gemau a gweithgareddau sy'n ychwanegu at yr awyrgylch, sbarduno sgysiau ac annog pawb i ymuno. Dyma sut!


BYNTIN A BANERI



Yn Y Cinio Mawr, rydyn ni wrth ein bodd â byntin a does dim byd yn dynodi dathliad cymunedol neu barti stryd cystal! Hongiwch rai i ychwanegu sbash o liw a dewiswch ddyluniadau coch, gwyn a glas neu Fanner yr Undeb am naws glasurol Diwrnod VE.

Awydd gwneud eich baneri papur eich hun? Fe welwch dempled hawdd a chyfarwyddiadau yn eich pecyn Diwrnod VE. Rhowch nhw i mewn i jariau jam neu fasys gwag i ychwanegu lliw ar y byrddau, neu beth am gael bwrdd 'Gwneud Eich Baner Eich Hun' i roi cyfle i'r gwesteion fod yn greadigol ar y diwrnod.

ADDURNIADAU TE PARTI



Beth am drefnu te parti clasurol o'r 1940au a dod â mymryn o hiraeth i'ch dathliad. Ewch i'ch siop elusen leol am addurniadau blodeuog ar gyfer y byrddau, cwpanau te annhebyg i'w gilydd a doilis les i greu naws vintage go iawn.

Os ydych chi'n gweini bwyd bys a bawd a danteithion melys bach, gwelwch a oes gan unrhyw un stondin gacennau i'w benthyg am y diwrnod – mae'n ffordd hawdd o ychwanegu steil at eich bwrdd ac yn ffordd hwyliog o arddangos gwahanol fwydydd.

MURLUNIAU CELF STRYD A DARLUNIAU SIALC

Os bydd gofod yn caniatáu a bod gennych ganiatâd, beth am gydweithio ag artist lleol i greu murlun ar thema Diwrnod VE? Gallai hyn gipio eiliadau eiconig o'r cyfnod, megis dathliadau stryd llawen neu symbolau o undod.

Anogwch eich cymuned i fod yn greadigol ac ymuno â chelf sialc ar balmentydd. Gallent ddylunio posteri hwyliog mewn arddull vintage, ysgrifennu negeseuon heddwch neu greu arddangosfa o babïau fel teyrnged i'r rhai a wasanaethodd.

“

Rydyn ni'n hen law yn trefnu'r Cinio Mawr erbyn hyn - rydyn ni'n gwybod pwy all ddod â bwrdd mawr, pwy sydd â gasebo a phwy fydd yn dod â'u ryseitiau arbennig. Mae gennym ni Becky drws nesaf sy'n gwneud ei baklava anhygoel, a Jane lawr y ffordd sy'n gwneud strwdel gan ddefnyddio afalau o'i rhandiroedd. Mae gan bawb bethau maen nhw'n edrych ymlaen atynt bob blwyddyn.

Helen, trefnydd y Cinio Mawr



RYSEITIAU WEDI'U HYSBRYDOLI GAN DDOGNI

Oeddech chi'n gwybod bod pastai afalau adeg rhyfel yn defnyddio moron wedi'u gratio i ychwanegu melyster naturiol pan oedd siwgr yn brin?

Dathlwch greadigrwydd coginio yn ystod y rhyfel a gosodwch her dogni fel rhan o'ch digwyddiad. A all gwsteion greu prydau blasus gan ddefnyddio cyn lleied o gynhwysion â phosibl - yn union fel y byddai teuluoedd wedi'i wneud yn ystod y rhyfel?

CYSTADLEUAETH POBI SBWNG FICTORIA

Beth am drefnu cystadleuaeth pobi cacen hwylus wedi'i ysbrydoli gan Ddiwrnod VE. Gwahoddwch westeion i ddod â'u cacen sbwng Victoria orau gyda nhw neu i wneud eu fersiwn nhw o glasur o gyfnod y rhyfel. Gallai categorïau gynnwys Mwyaf Traddodiadol, Fersiwn Orau o Rysâit adeg y Rhyfel neu'r Addurn Mwyaf Creadigol - gofynnwch i bawb bleidleisio dros eu ffefrynnau a choronwch y pobydd gorau!



CAMWCH YN ÔL MEWN AMSER

Dewch â'ch cymuned ehangach ynghyd drwy wahodd grwpiau lleol, cyn-filwyr neu haneswyr i ddod i rannu straeon o'r 1940au. Beth am gael ardal fach lle gall pobl ychwanegu at arddangosfa Diwrnod VE gydag unrhyw bethau cofiadwy sydd ganddynt, megis cardiau dogni, gwisgoedd, hen bapurau newydd, posteri amser rhyfel, llythyrau a lluniau. Bydd creu casgliad ar y cyd o atgofion ac arteffactau yn dod â hanes yn fyw ac yn helpu i sbarduno sgysiaiu.



CARDIAU DWEUD DIOLCH I'R GYMUNED

sefydlwch orsaf lle gall gwsteion ysgrifennu neges neu dynnu llun o ddiolch i gyn-filwyr, aelodau gweithredol o'r lluoedd arfog neu'r rhai sy'n cadw'r gymuned yn gysylltiedig heddiw. Boed yn nodyn twymgalon neu'n ddarlun lliwgar, gellir arddangos y negeseuon hyn yn eich digwyddiad neu eu dosbarthu i gymdeithas cyn-filwyr leol fel arwydd o werthfawrogiad.

AMSER I GOFIO

Dewch â phawb at ei gilydd ar gyfer araith fer neu funud o dawelwch/myfyrdod yn eich digwyddiad i anrhydeddu arwyddocâd Diwrnod VE. Mae'r saib byr hwn yn galluogi gwsteion i fyfyrto ar yr aberthau a wnaed yn ystod y rhyfel ac i dalu teyrnged i'r rhai a wasanaethodd.

BYDDWCH YN FFANSI

Anogwch bobl i wisgo mewn gwisgoedd wedi'u hysbrydoli o'r 1940au neu ffasiwn vintage. Meddyliwch am lifrai, oferôls merched y tir, ffrogiau te, neu siwtiau a hetiau destlus. Os nad yw gwisg ffansi lawn at ddant pawb, bydd sblash o goch, gwyn a glas yn dal i ychwanegu at yr achlysur!

HWYL YR IARD CHWARAE

Dewch ag ymdeimlad o gymuned i'ch dathliad Diwrnod VE gyda gemau stryd clasurol, hen ffasiwn. Mae'r gweithgareddau syml ond digyfnewid hyn o'r 1940au yn siŵr o ddod â phobl at ei gilydd i gael ychydig o hwyl:

- ➔ **Chwarae pôtsh** – marciwch grid pôtsh gyda sialc a gwahoddwch westeion o bob oed i roi cynnig ar yr hoff weithgaredd hwn yn yr iard chwarae.
- ➔ **Heriau rhaffau sgipio** – darparwch raffau sgipio hir a gweld pwy all neidio fwyaf o weithiau yn olynol neu dewch â grŵp at ei gilydd i gael ychydig o hwyl yn cyd-sgipio.

- ➔ **Gemau pêl a chwarae palmant** – cadwch bethau'n syml gyda gemau sydd angen dim ond sialc, pêl a gofod diogel (fel ffordd gaeedig). Marciwch grid noughts and crosses anferth neu trefnwch gêm o datws poeth i bawb ei mwynhau
- ➔ **Clapio clasurol** – gwahoddwch bawb i ymuno yn hwyl hiraethus rhigymau buarth a gemau clapio traddodiadol.
- ➔ **Tynnu rhaff** – gweithgaredd hwyliog, egniol sy'n dod â phobl at ei gilydd am brawf o waith tîm a chryfder, perffaith ar gyfer creu cystadleuaeth gyfeillgar a llawer o chwerthin.

CADWCH EICH PEN A DAL ATI I GWISIO

Profwch gof pawb gyda chwis ar thema Diwrnod VE. Mae un parod yn eich pecyn Diwrnod VE neu gallwch greu un eich hun. Cynhwyswch gwestiynau am Ddiwrnod VE, hanes yr Ail Ryfel Byd a Phrydain adeg y rhyfel, gan gwmpasu popeth o ddogni ac areithiau enwog i ganeuon poblogaidd y cyfnod.

Ychwanegwch enwau timau, rownd bonws cyflym a gwobrau bach i'r tîm buddugol i ychwanegu at yr ymdeimlad o gyfeillgarwch.

GWAHODD Y BAND



Oes yna fand lleol neu ensemble jazz y gallwch chi ei wahodd i ddod â naws y 1940au yn fyw? Neu beth am athro neu grŵp dawns lleol a allai rannu symudiadau rhai dawnsiau clasurol fel Lindy hop neu Jitterbug?

Ail-grewch awyrgylch dathlu Diwrnod VE a chael pawb i symud gyda dawnsiau bywiog y 1940au. Beth am chwarae cerddoriaeth swing, jive a bandiau mawr i greu'r naws!

P'un a ydych chi'n dewis ail-greu naws vintage y 1940au gyda the parti, yn rhannu straeon trwy arddangosfa femorabilia, neu'n cynnal cystadleuaeth gyfeillgar gyda heriau pobi wedi'u hysbrydoli gan y rhyfel, bydd ychwanegu rhai pethau bach at eich dathliad Diwrnod VE yn ei wneud yn wirioneddol gofiadwy.

Trwy greu diwrnod llawn hwyl gyda bwyd, cerddoriaeth, gemau a gweithgareddau, byddwch nid yn unig yn dod â phobl at ei gilydd ond hefyd yn ysbrydoli ymdeimlad o gymuned ac yn helpu pawb i gysylltu â hanes y dydd.

Ar gyfer syniadau ac ysbrydoliaeth – gan gynnwys ryseitiau, gemau a phethau y gallwch eu gwneud, ewch i **YCinioMawr.com**

Dathlu pen-blwydd Diwrnod VE yn 80 oed.
ve-vjday80.gov.uk/cy

Wedi'i chyflwyno i chi gan
Brought to you by

